

P. I O. BAPTISTAE

FERRARI 34-6-1-18-

E SOCIETATE IESV

DE CHRISTI

LIBERATORIS

OBITU

ORATIO

IN SACELLO PONTIFICVM VATICANO

ipso Parasceues die habita.



ROMAE, Typis Alexandri Zannetti. MDCXXIII.

SUPERIORVM PERMISSV.

5
*Mutius Vitellescus, Societatis Iesu Præpositus
Generalis.*

Facultatem concedimus, ut Oratio de Passione
D. N. Iesu Christi, P. Io. Baptistæ Ferrarij no-
stræ Societatis typis mandetur, si ita Reuerendiss. D.
Vicesgerenti, & Reuerendiss. P. Magistro Sacri Palatij
videbitur. Romæ 29. Aprilis 1623.

Mutius Vitellescus.

*Imprimatur, si videbitur Reuerendiss. P. Magistro
Sacri Palatij Apostolici.*

A. Episc. Hieracen. Vicesg.

Imprimatur.

Fr. Dominicus Paulaccius Magister, & Socius Reue-
rendissimi P. Fr. Nicolai Rodulfij Ord. Præd. Sacri
Palatij Apostolici Magistri.

ORATIO.



RVMP E tandem, erumpe
quà licet, ex ore, ex ocu-
lis, sine Rhetorum fuco in-
comptus, sine partitionis or-
dine incompolitus, Deo mo-
riente, parentalis dolor. Le-
uiter dolet B. P. dolorem,
quicumque suum potest ordi-
nare. Hæc vna tristissimam
orbitatem decet eloquentia, confusa cum rerum vni-
uersitate flebiliter tumultuari. Quanquam vtinam con-
fundi omnia, perturbariq. tum primùm cœpissent,
cùm meridiana decolor nocte dies expalluit; cum tre-
pido tumultu dehiscens terra nutauit. Tum sanè, tum
potius pessundatus rerum ordo est, cùm vilissima su-
biijt supplicia reus apud homines Deus. Hoc igitur lu-
gubre argumentum exlex indicit dolor perorandum,
ad clepsydram lacrymarum. Ecce autem hodierna
rerum confusio nocturno prodigio prænuntiatur: ecce
verno sub sydere, florido anni tempore, in horto
Gethsemani, sanguine pluit. Et hæcenus quidem
inter hortos: inter hostes nunc impensius exanguis de-
sudandum est. Iamq. illi proxima in arena circumfi-
sunt cum facibus, & armis. Faces equidem istas te-
nebricoso Inferorum igne crediderim esse succensas,
quæ clandestinum ad scelus ita præluxere vobis, no-
cturnæ furæ; vt obuium noctu Solem non agnoueri-
tis.

tis . At bene est : poenituit crudelitatis : clementer cum illo agitur : non vulnere , sed osculo excipitur . O facinus ab ipsa humanitate barbarum ! O crudelissimo dignam proditore clementiam ! Exclamare libet , Vbi mors non est , si in osculis est ? Iam verò maximus ille , qui cælum , ac terras implet , Imperator ad implendas catenæ seruilis infames angustias redactus , crudelitatis præda rapitur per triumphum . Ac ne summum scelus non ritè fiat , è lictorum fæce audacissimus nescio quis , tanquam scurra triumphalis Deo captiuo insultans , ad risum Pontifici , ad plausum sibi captandum , sonoram alapam infringit . Alapis (miserum me !) in terris plauditur ad salutem , lapso terrarum Deo . Verùm hæc per ludibria luset furor : seriò tandem scelus aggreditur . Ne sæuissimi virgatores , ne Regum Regi augustissimo vestem detrahite , quam illi vnâ in rerum omnium inopia plebeium ad integumentum profusa in alios ipsius charitas reliquit . Ne speciosum forma præ filiis hominum frequentissimo in theatro denudate , cuius formosissimus pudor oculorum coniectu grauiùs , quàm verberum ictu vapulabit . Vates infelix ego sum . Ecce delicatissimi sensus verecundia subito rubore suffusa cruentatur . Heu satis , superque publico dedecore modestiam vulnerastis . Quid expeditis præterea virgis valentissimi tenerrimum in corpus carnifices innocentiam excarnificatis ? Vtinam liceret & tibi , Domine Iesu , ad seruilis laniens declinationem vocem illam ingenuam , & compluribus salutarem vsurpare , Ciuis Romanus sum : sed superstitio-

num

num id temporis omnium commune Asylum Roma,
 falsis addicta numinibus verum oblita Deum erat ci-
 uitate donare. Extabescite iam in lacrymas oculi,
 quando diuini corporis niues prodigiosi furoris æstu
 soluuntur in sanguinem. Ne, quæso vos, ne vterius
 lictores. Ad terminales dolorum columnas per Ocea-
 num sanguinis ventum est. Neque enim vna, sed ge-
 minæ videntur in illo verberum turbine, in illa san-
 guinis alluie fixæ columnæ: quarum altera è duro
 marmore misericordia mollita non diffilit, quia sen-
 su doloris obrigit: altera in vulnus mollissima, in-
 tolerantiam planè marmorea, quamuis accisis viribus,
 inuictæ tamen fortitudinis mole sua stat. Age immen-
 sa poenarum spatia fortiter emense perge iam ad co-
 ronæ præmia Ductor, fortissime, quæ militaris tibi
 plausus adornauit. Sed quid coronamenti hoc est?
 Hoc deerat etiam hodiernæ portentis immanitatis, vt
 diuina non stellis, sed spinis tempora radiarent.
 Quanquam mirandum non est; quoniam rosas, ante-
 quam marcescerent, in sui coronam luxus præcepfit;
 solas coronandæ spinas innocentiae superfuisse. Re-
 gnandum coronato est. Regnum igitur in terris cape,
 sed coronæ simile, syderum Imperator. Enimuero
 aprico iam in colle sublimis, atque spectabilis regnas.
 Iam dispergis cum Sole manus. Hoc tamen à Sole
 distas, quod vtrinque occidis. Vtrinque enim occi-
 dentis vitæ fines trabalibus clauis acuta sensus præfigit
 acerbitas. Neque verò summos inter cruciatus Rex no-
 ster otiosus est. Placetne nosse, suburbano Caluarie in
 regno quid rerum agat? Arborem serit alteri sæculo pro-
 futuram:

futuram : regalemq. laudem illam iure vsurpat, Hæc
 mea manu est fata . At ò tragicas Regis vices ! In ipsa,
 quam seris , arbore vitæ occidis . Tu verò indignissi-
 mum istum , sempiternæ Rex , occasum conquestus ex-
 piras . Audiuit rerum vniuersitas Regis sui moribun-
 dam conquestionem : atque , vt morienti Deo pro vi-
 ribus iusta persoluat , rerum ordine conuulso funditus
 tremefacta , & meridianis tenebris flebiliter atrata ,
 parentali nenia vlulauit . In communi rerum omnium
 strepitu vocem præcludit orationi dolor . Quare priua-
 tum , & mutum dolorem hunc meum publicus naturæ
 vlulatus perorabit . Dixi .

LAVS DEO, B. V. M.

